
**ԽՍՀՄ-Ի ՓԼՈՒԶՈՒՄԸ ԵՎ ՌԽՖՍՀ ՔԱՂԱՔԱԿԱՆ
ՀԱՄԱԿԱՐԳԻ ԶԳՆԱԺԱՄԸ (1990-1993 ԹԹ.)**

ԳՐԻԳՈՐՅԱՆ Ա. Գ.

1990 թ. ՌԽՖՍՀ I համագումարի ընտրություններում, դեմոկրատները ստացան պատգամավորական տեղերի մեծամասնությունը¹: Նրանց հիմնական կազմը բաղկացած էր կուսակցական նոմենկլատուրայից. նրանք իրենց այլևս խիստ կապված չէին զգում Կոմկոուսի կենտկոմի հետ²: ՌԽՖՍՀ համագումարում առաջ եկան երեք հիմնական հոսանքներ՝ դեմոկրատներ ընդդեմ պարտոկրատների, դեմոկրատներ ընդդեմ ձախերի (կամ մասնավոր սեփականության կողմնակիցներ ընդդեմ հանրային սեփականության) և Խորհրդային Միության կողմնակիցներ ընդդեմ Ռուսաստանի:

Գև նախագահ ընտրվեց Բ. Ելցինը: 1990 թ. հունիսի 12-ին համագումարն ընդունեց «Ռուսաստանի պետական ինքնավարության մասին հռչակագիրը», որը ՌԽՖՍՀ տարածքում կասեցնում էր ինքնավար պետության օրենքներին և սահմանադրությանը հակասող՝ ԽՍՀՄ իրավական ակտերը³: Արամատական դեմոկրատները չէին թաքցնում ԽՍՀՄ տնտեսական կայունացման ծրագրի նկատմամբ իրենց բացասական վերաբերմունքը: Նրանք շեշտը դնում էին առանձին տնտեսական ծրագրի ընդունման վրա: Այդ ուղղությամբ առաջին քայլերը կատարվեցին 1990 թ. նոյեմբերի 27-ին, ՌԽՖՍՀ II համագումարում: Բ. Ելցինի առաջադրած սոցիալ-տնտեսական ծրագիրը նախատեսում էր տնտեսական «վերակառուցման» քաղաքականություն: Ներկայացված լինելով իբրև ԽՍՀՄ տնտեսական կայունացման ծրագիր՝ այն տեղափոխվեց ՌՄՖՍՀ-ն Գև համագումար և ներկայացվեց իբրև ՌԽՖՍՀ-ի տնտեսական վերափոխման ծրագիր⁴: Այն դարձավ հակակշիռ միութենական ծրագրին՝ տնտեսական հրաշք խոստանալով հասարակությանը⁵:

1991 թ. մարտին ՌԽՖՍՀ III համագումարն ավելի սրեց իրավիճակը՝ լրացուցիչ լիազորություններ ընձեռելով Բ. Ելցինին⁶: Արմատական ընդդիմության պահանջները տնտեսականից աստիճանաբար տեղափոխվեցին քաղաքական հարթություն⁷: Արդեն 1990 թ. մարտի 17-ին ԽՍՀՄ-ի պահպանման հարցի

¹ Гайдар Е. Т. Дни поражений и побед, М., 1996, с. 232.

² Обухов С. П. Российский парламентаризм между признанием и отторжением. Проблема массового восприятия (1989-2005 гг.), М., 2005, с. 87.

³ Известия, 13. VI. 1990.

⁴ Рыжков Н. И. Главный свидетель, М., 2009, с. 119-121.

⁵ Обухов С. П., նշվ. աշխ., էջ 95:

⁶ Отечественная история России новейшего времени 1985-2003 гг., отв. ред. А. Б. Безбородов, М., 2003, с. 224.

⁷ Никонов А. А. Спираль многовековой драмы: аграрная наука и политика России (XVIII-XX вв.), М., 1995, с. 420.

հանրաքվեին զուգահեռ ՌԽՖՍՀ-ի քաղաքացիները կողմ արտահայտվեցին ՌԽՖՍՀ-ում նախագահի պաշտոնի ստեղծմանը⁸: 1991 թ. մայիսին ՌԽՖՍՀ համագումարը որոշում կայացրեց ՌԽՖՍՀ-ում նախագահական ընտրությունների անցկացման մասին: 1991 թ. հունիսի 12-ին՝ ՌԽՖՍՀ նախագահական առաջին ընտրություններում, հաղթանակ տարավ Բ. Ելցինը՝ 75.3% արդյունքով:

1991 թ. երկրորդ կեսին ԽՍՀՄ-ում սկսվեցին ինքնավարության շքերթները: Խորհրդային հանրապետությունների վերնախավերը շատ լավ գնահատել էին ազգային հարցի հավաքական ռեսուրսը՝ իբրև հզոր գենք կենտրոնի դեմ պայքարում⁹: Մ. Գորբաչովը ԽՍՀՄ տարածքում ծագած խնդիրներն առաջարկեց լուծել 1991 թ. ապրիլի 23-ին հայտարարված «9+1» պայմանագրով¹⁰: Քննարկումները կայացան Նովո Օգարևում: 15 հանրապետություններից միայն 8-ն էին համաձայն Միության պայմաններին¹¹: Անորոշ էր Միության մեջ չմտած հանրապետությունների հարցը¹²: (Լիտվան, Լատվիան, Էստոնիան, Մոլդովան, Վրաստանը և Հայաստանը հրաժարվել էին հանդիպումից)¹³: Պայմանագիրն իր կառուցվածքով հիշեցնում էր ոչ թե կոնֆեդերացիա այլ, պետությունների ակումբ¹⁴: 1991 թ. հուլիսի 3-ին Բ. Ելցինի և Մ. Գորբաչովի միջև տեղի ունեցած հանդիպման ընթացքում նախնական համաձայնություն ձեռք բերվեց միութենական նոր փաստաթղթի վերաբերյալ: Բ. Ելցինը պահանջել էր առավել չեզոքություն հանրապետությունների հետ հարաբերություններում¹⁵: ԽՍՀՄ կառավարությունում լուրջ փոփոխություններ էին նախատեսվում օգոստոսի 20-ից հետո: 1991 թ. օգոստոսի 19-ի առավոտյան, հեռուստատեսությամբ, ողջ երկիրը ԽՍՀՄ կառավարության կողմից տեղեկացավ Հատուկ դրության պետական կոմիտեի (ГКЧП- ի) ստեղծման մասին¹⁶: Այն ընդգրկում էր քաղբյուրոյի պահպանողական հատվածը՝ փոխնախագահ Գ. Յանան, վարչապետ Վ. Պավլով, ՆԳՆ նախարար Բ. Պուգո, ՊԱԿ-ի պետ Վ. Կրյուչկով, ՊՆ նախարար Դ. Յազով: Օգոստոսի 19-20-ին Սպիտակ տան բոլոր մատույցները շրջափակվեցին բարիկադներով: ՌԽՖՍՀ-ի նախագահ Բ. Ելցինի կոչով հազարավոր մարդիկ ելան պաշտպանելու Սպիտակ տունը¹⁷: ՀԴՊԿ-ի անդամները չունեին քիչ թե

⁸ Баглай М. В. Конституционное право Российской Федерации, М., 2007, с. 454.

⁹ Барсенков А. С. Введение в современную российскую историю 1985-1991 гг, М., 2002, с. 123.

¹⁰ Шейнис В. Л. Взлет и падение парламента: переломные годы в российской политике (1985-1993), т. 1, М., 2005, 473.

¹¹ История России XX - начала XXI века., под. ред. Л. В. Милова, М., 2006, с. 816.

¹² Шейнис В. Л., նշվ. աշխ., էջ 488:

¹³ Поцелуев В. А. История России XX столетия, М., 1997, с. 464.

¹⁴ Барсенков А. С., նշվ. աշխ., էջ 207:

¹⁵ Коммерсантъ. Власть, 1991, N 27 (71), с.1.

¹⁶ Поцелуев В. А., նշվ. աշխ., էջ 476:

¹⁷ Кириллов В. В. История России, М., 2007, с. 624-625.

շատ մշակված գործողությունների ծրագիր¹⁸: 1991 թ. օգոստոսի 21-ին Սպիտակ տան պաշտպանները բանակային ստորաբաժանումներից մեկի հետ բախման ժամանակ երեք զոհ տվեցին: Միջադեպից հետո բանակը դուրս բերվեց Մոսկվայից: Փոխնախագահ Ալ. Ռուցկոյը կազմակերպեց Ֆարոսում մեկուսացած ԽՍՀՄ նախագահի վերադարձը¹⁹: «Հեղաշրջման» ձախողումից հետո Բ. Ելցինը 1991 թ. օգոստոսի 23-ին հրամանագրով դադարեցրեց Կոմկուսի գործունեությունը, իսկ դրա իրավունքն ուներ միայն դատարանը: Օգոստոսի 24-ին ՌԽՖՍՀ համագումարում Բ. Ելցինի ճնշման տակ Մ. Գորբաչովը հայտարարեց Կոմկուսի կենտկոմի լուծարման մասին²⁰: Սրանով Բ. Ելցինը հեռացրեց իր գլխավոր խոչընդոտը՝ Կոմկուսը: Նա ձերբազատվեց նաև միութենական պայմանագրի շուրջ իր պարտավորությունից:

Դեռ, 9+1 պայմանագրի բանակցությունների ընթացքում քննարկումների գլխավոր թեման կենտրոնի դերակատարման հարցն էր: ՌԽՖՍՀ-ն ուներ երկու ճանապարհ՝ կենտրոնի վրա հաստատել իր որոշիչ ազդեցությունը կամ դուրս գալ Միությունից՝ օբյեկտիվորեն դառնալով ձգողության նոր կենտրոն²¹:

Երեք պետությունների (Ռուսաստան, Բելոռուս, Ուկրաինա) ղեկավարների կողմից 1991 թ. դեկտեմբերի 8-ին Բելովեժում ստորագրված համաձայնագրով ԽՍՀՄ-ը փոխարինվեց ԱՊՀ-ով²²: 1991 թ. դեկտեմբերի 21-ին Ալմա-Աթայում ընդունվեց միութենական հանրապետությունների համատեղ որոշումը, որով ԽՍՀՄ-ը դադարում էր գոյություն ունենալուց²³: Ստեղծված պայմաններում 1991 թ. դեկտեմբերի 25-ին Մ. Գորբաչովը հրաժարական տվեց ԽՍՀՄ նախագահի պաշտոնից և դրանով եզրափակեց «վերակառուցման» շրջանը²⁴:

ԽՍՀՄ-ի փլուզումից հետո ՌԽՖՍՀ-ը դարձավ նրա իրավահաջորդը՝ ինքնաբերաբար ժառանգելով ճգնաժամային բոլոր գործընթացները: Ինքնավարության հռչակումից հետո նոր իշխանությունը չկարողացավ հաստատել օրենքի գերակայությունը: Բ. Ելցինի և նոր վերափոխողների սխալն այն էր, որ նրանք ակնկալում էին սոցիալ-տնտեսական խնդիրները լուծել կարճ ժամկետում²⁵: Բ. Ելցինի կողմնակիցները դեռ 1990 թ. ընտրությունների նախօրյակին իրենց ընդդիմախոսներին համոզում էին, որ նա՝ իբրև առաջնորդ անհրաժեշտ կլինի ընդամենը 1.5-տարի, ոչ ավել²⁶:

¹⁸ Рыжков Н. И., նշվ. աշխ., էջ 146:

¹⁹ Поцелуев В. А., նշվ. աշխ., էջ 478:

²⁰ Рыжков Н. И., նշվ. աշխ., էջ 147-149:

²¹ Шейнис В. Л., նշվ. աշխ., էջ 489:

²² Пихоя Р. Г. Советский союз: история власти. 1945-1991, М., 1998, с. 710-711.

²³ Поцелуев В. А., նշվ. աշխ., էջ 482:

²⁴ Грачев А. С. Кремлевская хроника, М., 1994, с. 400-414.

²⁵ Шейнис В. Л., նշվ. աշխ., հ. 2, Մ., 2005, էջ 251:

²⁶ Обухов С. П., նշվ. աշխ., էջ 88:

1991 թ. Բ. Ելցինը ուներ լրացուցիչ լիազորությունները, որոնք հաստատել էր ՌՍԽՍՀ III համագումարը²⁷: Ի լրումն դրա՝ Բելովեժի փաստաթուղթը իրավական տեսանկյունից թերի էր: Երեք ղեկավարներից ոչ մեկը լիազորություններ չունեին նման որոշումների համար: Իրենց որոշումները Բելովեժում պետք է հաստատեին ՌԽՖՍՀ ԳԽ-ն և համագումարը, որոնք էլ հեշտությամբ վավերացրեցին համաձայնագիրը²⁸:

1991 թ. հունիսի 22-ին ՌԽՖՍՀ I համագումարն ընդունել էր «Սահմանադրական հանձնաժողով» ստեղծելու մասին որոշումը²⁹: Այն պետք է ձեռնամուխ լիներ սահմանադրության փոփոխությանը: 1978 թ. փոփոխված սահմանադրությունը չէր համապատասխանում ժամանակի ոգուն: Առաջին փուլում խոսքն ընդհանուր դրությունների մասին էր: 1991-1992 թթ. պետական կառուցվածքի մասին խնդիրը ավելի սուր դրվեց³⁰: 1992 թ. մարտի 30-ին ՌԴ նախագահի և դաշնության սուբյեկտների ղեկավարների մասնակցությամբ ստորագրվեց Դաշնային պայմանագիրը: Նրանում ամրագրվում էր Կենտրոնի և սուբյեկտների իրավասությունների սահմանը, սակայն խնդիրների լուծման հիմք էր հայտարարվում Սահմանադրությունը³¹: Համագումարը հաստատեց փաստաթուղթը 1992 թ. ապրիլի 10-ին³²:

1992 թ. ապրիլի 21-ին Ժող. պատգամավորների VII համագումարը որոշում ընդունեց «Սահմանադրական կարգի պաշտպանության մասին»³³: 1992 թ. դեկտեմբերին սկսեցին ուրվագծվել նախագահի և ԳԽ-ի, Համագումարի միջև առաջին առճակատման սցենարները: Դեկտեմբերին ՌԴ համագումարը նախագահին զրկեց լրացուցիչ լիազորություններից³⁴: Ի պատասխան՝ Բ. Ելցինը ելույթ ունեցավ դեկտեմբերի 12-ին և առաջարկեց վստահության հանրաքվե անցկացնել:

1993 թ. մարտի 20-ին առաջին փորձը կատարվեց «Երկրի կառավարման հատուկ կարգ» մտցնելու ուղղությամբ³⁵: Փորձը ձախողվեց: Սահմանադրական դատարանը մարտի 23-ին այն ճանաչեց հակասահմանադրական³⁶: 1993 թ. մարտի 26-ին գումարված IX արտահերթ համագումարը հանդես եկավ նախագահին պաշտոնանկ անելու նախաձեռնությամբ: 30 ձայնի բացակայության պատճառով որոշումը

²⁷ Политические партии России в контексте ее истории, под ред. С. Смагина, Ростов -на-Дону, 1998, с. 400.

²⁸ Обухов С. П., նշվ. աշխ., էջ 157:

²⁹ Баглай М. В., նշվ. աշխ., էջ 104:

³⁰ Шейнис В. Л., նշվ. աշխ., հ. 2, էջ 329-330, 336-337:

³¹ Известия, 30.V.1993.

³² Из истории создания Конституции Российской Федерации, т.3, под ред. О.Г. Румянцева, М., 2008, с. 785.

³³ Шейнис В. Л., նշվ. աշխ., հ. 2, էջ 339:

³⁴ Обухов С. П., նշվ. աշխ., էջ 182:

³⁵ Նույն տեղում, էջ 272:

³⁶ Шейнис В. Л., նշվ. աշխ., հ. 2, էջ 260:

չհաստատվեց³⁷: Նախագահը առաջարկեց վստահության հանրաքվե անցկացնել³⁸: Երկրի ներքին սոցիալ-տնտեսական ծանր իրավիճակը Կրեմլին վստահություն չէր ներշնչում քայլերի հասարակական արձագանքի հարցում³⁹:

Հանրաքվեն կայացավ 1993 թ. ապրիլի 25-ին: Հանրաքվեի դրված հարցերը շարունակում էին բնեռացված պահել հասարակությանը, քանի որ պահպանում էին երկու կողմերի իրավունքները: Այն հաստատեց ԳԽ-ի նոր ընտրությունների անհրաժեշտությունը, սակայն դրանց անցկացումը Կրեմլի համար անվերապահորեն անբարենպաստ արդյունք էր խոստանում: Բոլորն էլ միակարծիք էին այն հարցում, որ ընտրությունները պետք է տեղի ունենան նոր սահմանադրության ընդունումից հետո⁴⁰: Սակայն առկա էր գլխավոր հարցը՝ Սահմանադրությունը⁴¹:

ԹԵ ՌԴ-ի ինքնավարության մասին հռչակագիրը, թե՛ դաշնային պայմանագիրը արձանագրում էին պետության կառավարման ժողովրդավարական, իրավական սկզբունքները, մարդու և քաղաքացու իրավունքները, բայց դրանցում չէին որոշակիացվում ՌԴ-ի պետական կարգն ու կառուցվածքը. հարցի կարգավորումը հղվում էր սահմանադրությանը⁴²: Առանց նոր սահմանադրության և ընտրական օրենքի՝ ընտրությունների անկացմանը դեմ էր և ԳԽ-ի կառուցողական հատվածը՝ հանձինս ԳԽ-ի փոխխոսնակ Ն. Ռյաբովի, Ռ. Աբդուլատիպովի, Յու. Յուրովի, Օ. Ռուսյանցևի⁴³:

Ընտրություններից առաջ պետք էր ընդունել նոր սահմանադրություն: Սակայն մշակված՝ 3/4 նախագահական նախագիծը ձեռնըտու չէր ոչ Կրեմլին, ոչ էլ ԳԽ-ին: Այն ոչ մեկին պետք չէր: Այնուհանդերձ, հանրաքվեի արդյունքները գործողությունների հիմնավորման տեսակետից ոչ մի բան չէին տալիս Բ. Ելցինին: Խոսքը մասնավորապես վերաբերում էր ԳԽ-ն և համագումարը ցրելուն⁴⁴: Եվ սահմանադրության ընդունման հարցը նորից հայտնվեց կիզակետում: 1993 թ. ապրիլի 15-ին, մինչև հանրաքվեն, հայտարարվում է ՌԴ-ի նոր սահմանադրության նախագծի մասին: Այստեղ որպես հիմք ընդունվեց ոչ թե 3/4 նախագահական նախագիծը, այլ ստեղծվեցին երկու առանձին աշխատանքային խմբեր՝ Ս. Շախրայի և Ս. Ալեքսենի ղեկավարությամբ⁴⁵: 1993 թ. մայիսի 20-ին նախագահը Բ. Ելցինը հայտարարեց «Սահմանադրական խորհրդակցության» և Սահմանադրության

³⁷ Отечественная история России новейшего времени 1985-2003 гг., № 410:

³⁸ Баглай М. В., նշվ. աշխ., էջ 104:

³⁹ Шейнис В. Л., նշվ. աշխ., հ. 2, էջ 301:

⁴⁰ Гранкин И. В., Парламент России, М, 2001, с. 38-41.

⁴¹ Отечественная история России новейшего времени 1985-2003 гг., № 411:

⁴² Ведомости Съезда народных депутатов РСФСР и Верховного Совета РСФСР, 1990, N 2, с. 22.

⁴³ Известия, 19.V.1993.

⁴⁴ Նույն տեղում, 10.IV.1993:

⁴⁵ Шейнис В. Л., նշվ. աշխ., հ. 2, էջ 339-340:

նախագծի ավարտման աշխատանքները սկսելու մասին⁴⁶։ Բ. Ելցինը այդպես էլ մինչև վերջ չպարզաբանեց իր հրավիրած քննարկման կարգավիճակը՝ սահմանադրական խորհրդակցություն, թե՞ սահմանադրական ժողով⁴⁷։ Սա կասկածելի էր, եթե հաշվի առնենք ներկայացվող Սահմանադրական հանձնաժողովի անդամների, ԳԽ-ի խմբակցության անդամների կարգավիճակը, ընդամենը՝ իբրև ներկայացուցիչ։ Այս օրգանի թե՛ կարգավիճակը, թե՛ ձևավորման սկզբունքները այդպես էլ մնացին անորոշ։ «Սահմանադրական խորհրդակցություն» հրավիրելով՝ Բ. Ելցինը ցանկանում էր ՌԴ-ն Սահմանադրության նախագծի խնդրում անցում կատարել 3/4 նախագահականից գերնախագահականի, ինչի համար էլ խորհրդակցության էին հրավիրվել հիմնականում գործադիր իշխանության ներկայացուցիչներն ու Դաշնության սուբյեկտների լիազոր ներկայացուցիչները։ Բնական էր, որ վերջիններս ավելի հակված կլինեին թույլ պաշտամենտի և սուբյեկտների լայն լիազորությունները չսահմանափակող սահմանադրությանը։ 3/4 նախագահական նախագիծը սուբյեկտների հարաբերությունները Պայմանագրային դաշնությունից տեղափոխում էր Սահմանադրական դաշնության հարթություն և նրանց զրկում լայն ինքնավարությունից։ Ռ. Խասրուլատովը փորձեց հենց խորհրդակցության բացման օրը՝ հունիսի 5-ին, Կրեմլի դահլիճում տապալել աշխատանքները⁴⁸։

1993 թ. հուլիսի 12-ին նախագահական սահմանադրության նախագիծն արդեն պատրաստ էր⁴⁹։ Սահմանադրությունը պետք է անցներ համագումարով։ Դա իրատեսական չէր⁵⁰։ Սահմանադրության ընդունման ճակատագիրը մնում էր անորոշ։ ԳԽ-ն ամեն կերպ ձգձգում էր սահմանադրության իր նախագծի ընդունումը⁵¹։ Այս պայմաններում 1993 թ. սեպտեմբերի 21-ին Բ. Ելցինը հայտարարեց «ՌԴ-ում փուլային սահմանադրական վերափոխման մասին»։ Շուրջ 3 շաբաթ տևած միջնորդական առաքելությունները ոչինչ չտվեցին, իսկ հոկտեմբերի 3-ին սկսված արյունոտ բախումները եզրափակվեցին հոկտեմբերի 4-ին՝ Սպիտակ տան հրետակոծությամբ։

1993 թ. հոկտեմբերի 7-ին Ս. Ջորկինը Կրեմլի ճնշման տակ հրաժարական տվեց, որից հետո նախագահը ստորագրեց «Սահմանադրական դատարանի լուծարման մասին» հրամանագիրը այն հիմնավորելով դրա ոչ լիարժեք կազմով⁵²։

Հոկտեմբերի 9-ին նախագահը ստորագրեց «ՌԴ-ում սահմանադրական փուլային վերափոխման ժամանակաշրջանում կարգ ու կանոնի ապահովման պայմանների մասին» հրամանագիրը⁵³։ Այսպես ավարտվեց Ժողովրդական պատգամավորների

⁴⁶ Известия, 22. V. 1993.

⁴⁷ Шейнис В. Л., նշվ. աշխ., հ. 2, էջ 324:

⁴⁸ Известия, 8. V. 1993.

⁴⁹ Баглай М. В., նշվ. աշխ., էջ 108:

⁵⁰ Шейнис В. Л., նշվ. աշխ., հ. 2, էջ 367:

⁵¹ Из истории создания Конституции Российской Федерации, с. 34.

⁵² Островский А. В. Расстрел "Белого Дома", М., 2008, с. 481.

⁵³ Известия, 15. X. 1993.

համագումարի և ԳԽ-ի ժամանակաշրջանը: Մակայն, հայտնի է, որ ազատություն ստացած ժողովուրդը, որ սովոր է եղել ապրել անհատների բռնի իշխանության պայմաններում, որպես կանոն՝ շատ արագ կորցնում է այն⁵⁴:

Գնահատելով ստեղծված ճգնաժամի վերջին փուլը՝ պետք է ընդունել, որ 1992 թ. սկսած՝ սահմանադրության և քաղաքական համակարգի, պետական կարգի հարցերում արդեն բանավեճը մտավորականության և իշխանության դեկլին գտնվող պաշտոնյաների շրջանակում էր: Այն երկիշխանության վտանգավոր իրավիճակ էր ստեղծել ՌԴ-ում, որն արդեն սպառնում էր երկրի միասնությանը: Ցավոք, կողմերի կոշտ դիրքորոշման պայմաններում ճգնաժամը հանգուցալուծվեց միայն նրանցից մեկի ջախջախմամբ:

**РАСПАД СССР И КРИЗИС
ПОЛИТИЧЕСКОЙ СИСТЕМЫ РСФСР (1990-1993 ГГ.)**

ГРИГОРЯН А. Г.

Резюме

После распада СССР политическая элита РФ оказалась в качественно иной общественно-политической среде, где в силу объективных причин неприемлемы были мышление и морально-этические нормы старой политической системы.

РФ унаследовала от “перестройки” деформированное общественное мышление и накопленные нерешенные социально-экономические проблемы. В подобной ситуации интеллигенция попыталась конституционным путем осуществить реформу политической системы РФ. Однако конфронтация между законодательной и исполнительной властью вначале переросла в гонку за сохранение имевшихся полномочий, а затем вышла за рамки правового поля, став одной из причин создания авторитарной политической системы в РФ.

⁵⁴ **Макиавелли Н.** *Государь*, М., 2000, с. 196.